

山谷詩注

內集
別集
外集

六



山谷雜記

卷六

六

山 谷 詩 注

集別 集外 集內

(六)

黃 庭 堅 撰

山谷外集詩注卷五

薄薄酒二章并引

蘇密州爲趙明叔作薄薄酒二章。憤世疾邪。其言甚高。以予觀趙君之言。近乎知足不辱。有馬少

游之餘風。故代作二章。以終其意。

東坡熙寧七年冬。知密州。除夜作半字韻詩。山谷和章。乃元豐初作。此篇當在半字韻詩以後作也。

薄酒可與忘憂。

晉顧榮傳。惟酒可以忘憂。

醜婦可與白頭。徐行不必駟馬。稱身不必狐裘。無禍不必受福。

荀子。福莫善於無禍。

甘餐不

必食肉。

文選七發云。甘餐毒藥。戰國策顏闕云。晚食以當肉。安步以當車。

富貴於我如浮雲。

見論語。

小者譴訶大戮辱。

賈誼傳。聞譴訶則自冠履纓。又云。被戮辱者不大迫乎。山谷寫本作譴訶。

俗本誤耳。

一身畏首復畏尾。

左傳。畏首畏尾。身其餘幾。

門多賓客飽僮僕。美物必甚惡。

左傳。昭二十八年。叔向之母曰。甚美必有甚惡。

厚味生五兵。

國語。周語云。厚味實

腊毒。五兵見前法。

匹夫懷璧死。

左傳。匹夫無罪。懷璧其罪。

百鬼瞰高明。

見前注。

醜婦千秋萬歲同室。萬金良藥不如無疾。

漢灌夫傳。吳楚反時。夫馳入吳軍。身

中大創十餘。適有萬金良藥。故得無死。

薄酒一談一笑勝茶。萬里封侯不如還家。

太白詩。錦城雖云樂。不如早還家。後漢班超傳。當封侯萬里之外。

薄酒終勝飲茶。醜婦不是無家。醇醪養牛等刀鋸。深山大澤生龍蛇。襄二十一年。叔向之母曰。深山大澤。實生龍蛇。彼美余懼其生龍蛇以禍女。秦時

東陵千戶食。何如青門五色瓜。見前注。傳呼鼓吹擁部曲。何如春雨一池蛙。傳呼甚寵。見蕭望之傳。南史孔珪傳云。門庭之內。草萊不剪。中有蛙鳴。或問之曰。欲

爲陳蕃乎。答曰。我以此當兩部鼓吹。王晏嘗鳴鼓吹侯之。聞蛙鳴曰。此殊聒人耳。珪曰。我聽鼓吹。殆不及此。晏甚有慙色。性剛太傅促和藥。蕭望之傳。天子方倚。欲以爲丞相。會望之子伋上書。訟望之前事。弘恭。石顯。建白望之前欲排退許史。專

權擅朝。幸得不坐。深懷怨望。教子上書。非頗屈望之於牢獄。塞其快快心。則聖朝亡以施恩厚。上曰。蕭太傅素剛。安肯就吏。顯等曰。望之所坐。語言薄罪。必亡所憂。上乃可其奏。望之欲自殺。其夫人止之。以問門下生朱雲。雲勸望之自裁。望之乃謂雲曰。游趣和藥來。無久留

我死。竟飲鴆自殺。何如羊裘釣煙沙。後漢嚴光傳。光武卽位。光變姓名隱身。帝令以物色求之。後齊國上言有男子披羊裘釣澤中。綺席象牀。瑠玉枕。太白詩。龍駒瑠璚白玉鞍。象牀綺食黃金盤。重門

夜鼓不停撾。何如一身無四壁。滿船明月臥蘆花。吾聞食人之肉。可隨以鞭朴之戮。乘人之車。可加以鈇

鉞之誅。劉向列女傳。老萊子妻云。妾聞之。可食以酒肉。者。可隨以鞭箠。可授以官祿者。可隨以斧鉞。不如薄酒醉眠牛背上。醜婦自能搔背痒。神仙傳。王遠字方平。過蔡經家。麻姑手爪似鳥

爪。蔡經心中私言。若背癢時。得此爪以爬背。當佳否。方平已知其意。卽使人牽經鞭之曰。吾鞭不可妄得也。牛背見前注。

戲贈彥深。元注云。李原字彥深。厚之弟。居南陽。

李髯家徒立四壁

李髯見前注漢司馬相如傳家徒立四壁

未嘗一飯能留客

老杜云一飯未嘗留俗客

春寒茅屋交相風

淵明飲酒詩弊廬交悲風荒草沒前庭

倚牆

捫虱讀書策

晉王猛傳桓溫之關猛被褐詣之捫虱而言旁若無人曲禮曰先生書策琴瑟在前坐而遷之戒勿越

老妻甘貧能養姑寧剪髻鬢不典書

晉陶侃傳侃早孤貧爲縣吏鄱陽孝

廉范達嘗過侃時倉卒無以待賓其母乃截髮得雙髮以易酒肴樂飲極歡杜詩長者來在門荒年自餬口家貧無供給客位但箕帶俄頃羞頗珍寂寥人散後人怪鬢髮空吁嗟爲之久自陳剪髻鬢鬻市充杯酒

大兒得餐不索魚小

兒得禪不索襦

晉韓康伯傳伯數歲母爲作襦令捉熨斗而謂之曰且著襦尋當作襦釋伯曰不復須火在斗中而柄尙熱今既著襦下亦當煖

庾郎鮭菜二十七

食鮭二十七種見前注

太常齋日

三百餘

後漢周澤傳爲太常嘗臥疾齋宮其妻哀澤老病關問所苦澤大怒以妻干犯齋禁遂收送詔獄謝罪時人爲之語曰生世不諧作太常妻一歲三百六十日三百五十九日齋一日不齋醉如泥

上丁分膳一飽飯藏

神夢訴羊羶蔬

周禮大宗伯以脰膳之禮親兄弟之國左傳天子有事膳焉又云與執膳食此言釋奠分胙也啓顏錄云有人常食蔬忽食羊肉夢五藏神曰羊躋破菜園

世傳寒士有食籍一生當飯

百甕菹

詩疆場有瓜是剝是菹新序楚惠王食菹寒而得蛭菹若今菹鹽也又摘禮記醢醢百甕字以相諱也食籍見第六卷

冥冥主張審如此

莊子孰主張是

附郭小圃宜勤鋤

摘蘇秦傳附郭

田二頃字

葱秧青青葵甲綠早韭晚菘羹糝熟

南史齊周顒隱鍾山文思太子問菜食何味最勝曰春初早韭秋末晚菘莊子藜羹不糝

充虛解戰賴湯餅

晉束皙餅賦曰玄冬猛寒

清晨之會涕凍鼻中雪凝口外充虛解戰湯餅爲最

莛以萍藿與甘菊

內則云雉兔皆有莛注云菜藿也晉石崇傳云非萍藿是搗非根雜以麥苗耳

幾日憐槐已著花一心咒筍莫成

竹。白樂天食筍詩且食。羣兒笑髻窮百巧。我謂勝人飯重肉。漢朱家傳食不重味。公孫弘傳汲黯曰弘位在三公奉祿甚多。然爲布被詐也。上問弘弘曰有之臣聞管仲相齊有三歸侈擬

於君。桓公以霸。晏嬰相景公食不重肉。羣兒笑髻不若人。我獨愛髻無事貧。君不見猛虎卽人厭麋鹿。易曰卽人還鹿无虞。

寢皮食其肉。左襄二十一年州綽曰二子者譬於禽獸臣食其肉而寢處其皮矣。濡需終與豕俱焦。莊子徐無鬼篇有暖姝者有濡需者濡需者豕虱是也。擇疏

不知屠者之一旦鼓臂布草。飲肥擇甘果非福。蟲蟻無知不足驚。橫目之民萬物靈。莊子天地篇夫子無意於橫目之民乎書惟人萬物之靈。請食

燬煙火而已與豕俱焦也。熊蹯楚千乘。左文元年楚太子商臣以宮甲圍成王王請食熊蹯而死弗聽。立死山壁漢公卿。後漢獻帝紀建安元年車駕至洛陽是時宮室燒燼百官披荆

下自出采稻或飢死牆壁間或爲兵士所殺。李髻作人有佳處。韓文諱辯云作人得如周孔孔子亦可以止矣。李髻作詩有佳句。雖無厚祿故人書。杜詩厚祿故人書斷絕長飢稚

子色門外猶多長者車。陳平事見前注。我讀揚雄逐貧賦。斯人用意未全疏。逐貧賦見雄傳茲不及注。

竹軒詠雪呈外舅謝師厚并調李彥深。此篇至卷終皆自汴京回至南陽作。

破臘春未融。杜詩臘破思端綺。土膏寒不發。國語云自今至於初吉土膏其動。數聲鳴條風。論衡九日一夜風不鳴條。風風不鳴條。一夜洒窗雪。退之詠雪云。開軒萬物

曉落勢良未歇。

退之齒落詩俄然落六七落勢殊未已。

鏗鏗青琅玕。閱此歲凜冽。

退之詩。豈如秋霜雖凜冽。

摧埋頭搶地。

司馬遷書見獄吏則頭搶地。干羊反。

意氣終

自潔。

太白詩。眼花耳熱。後意氣素覺生。

君子謂此君。全身斯明哲。

詩既明且哲。以保其身。

屋頭維女貞。額色少澤悅。

琅玕此君皆謂竹。以比師厚女貞木名。以比李彥深。

能窺藩籬。亦有固窮節。

論語。君子固窮。淵明詩。不賴固窮節。百世誰人傳。又云。深得固窮節。

佳興冉冉生。門外無車轍。

漢書。陳平以席爲門。然門外多長者車轍。

寫之朱絲

絃。清坐待明月。

文選詩。直如朱絲絃。清如玉壺冰。

賦未見君子。憂心靡樂。八韻寄李師載。

同陸吏部曹。往在紀丁未。

山谷治平四年登第。歲在丁未。

別離感寒暑。歲星行十二。

歲星十二歲一周天。丁未至戊午。十二年。蓋元豐元年也。山谷時在北京。

我慚雞蓋

穀。

太玄第四卷。雞蓋穀。注。蓋穀進也。進食其穀也。

子歎天且剿。

易睽六三。其人天且剿。釋文。天剝也。剝鑿其額曰天。

空餘山梁期。

山梁見論語。

尙不昧初志。

會合良艱期。繫匏各異縣。

繫匏見論語。文選云。他鄉各異縣。展轉不相見。

千里共明月。

文選。月賦。歌曰。美人邁兮。音塵闊。隔千里兮共明月。

如披故人面。

晉樂廣傳。衛瓘見廣曰。此人如披故人面。

水鏡。見之。鑒然如披雲霧。而靚青天。

浮雲蔽高秋。此豈心中願。霧重豹成文。

古列女傳。陶答子治陶三年。名譽不聞。家富三倍。其妻諫曰。南山有玄豹。霧雨七日而不下食。欲以澤其毛。成文章也。犬羆不擇食。

以麗其身坐古樂府艷歌行曰語卿
水清魚自見且勿哂水清魚自見

齊地穀翔貴前漢食貨志云穀價翔貴排門無饕餮詩河酌可以餽餽二仲有甘旨奉親亦良勤原田水洗洗韻書云洗水滌光也何時稼如雲

無民願歲豐正自不忘君無民無字誤疑是庶民劉向傳忠臣雖在畎畝猶不忘君

古人有成言歲暮於吾子真譜葛綠華贈羊權詩云祈期豈朝華歲暮於吾子斧揮郢人鼻莊子徐無鬼篇郢人墨漫其鼻端若蠅翼使匠石斲之匠石運斤成風聽而斲之盡墨而鼻不傷郢人立不失容

琴即鍾期耳見前新詩凌建安魏志王粲傳粲卒於建安二十二年始文帝爲五官將及平原侯植皆好文學粲與徐幹陳琳孔璋阮瑀元瑜應瑒德璉劉楨公幹並見友善高論到正始晉衛玠傳

大將軍鎮豫章長史謝鯤雅重玠相見欣然言論彌日大將軍謂鯤曰昔王輔嗣吐金聲於中朝此子復玉振於江表微言之緒絕而復續不意永嘉之末復聞正始之音揚子吾不觀參辰之相比也左傳昭元年子產曰昔高辛氏有

二子伯曰閼伯季曰實沈居於曠林不相能也日尋干戈以相征討后帝不臧遷閼伯於商丘主辰商人是因故辰爲商星遷實沈於大夏主參唐人是因以服事夏商故參爲晉星未負石投水呂氏春秋精喻篇自公問於孔子曰人可微言乎孔

子不應白公曰若以石投水奚若孔子曰沒人能取之白公曰若以水投水奚若孔子曰淄澠之合易牙能知之

白雪非衆聽文選宋玉答楚王問云客有歌於郢中者其始曰下里巴人國中屬而和者數千人其爲陽阿薳露國中屬而和者數百人其爲陽春白雪屬而和者數十人而已其曲彌高其和彌寡夜光忌暗投見前古

來不識察。文選古詩一心抱區區懼君不識察。浪自生百憂。三月楚國淚。下和事見前注。以言夜光之璧。千年郢中樓。以言陽春白雪。無因杭一葦。詩一葦杭之。濁

水拍天流。退之詩海氣昏昏水拍天。

河南李茂彥。內蘊適俗心。濬冲有涇渭。一顧重千金。文選任彥昇詩。濬冲得茂彥注云。傅暢贊曰。王戎字濬冲。爲選官時。江夏李重字茂曾。汝南李穀字茂彥。二人俱處要職。戎以識會待之。

各得其用。彥昇此詩。又云。伊人有涇渭。非余揚濁清。向秀列傳云。秀與嵇康呂安爲友。康傲世不羈。安放逸適俗。而秀雅好讀書。事親知色難。勝已又勇沈。見前注。外物既難必。求之首陽

岑。莊子外物篇。外物不可必。故龍逢誅比干。戮論語夷齊餓於首陽之下。

飄風從東來。雨足盡西靡。說苑上之化下。猶風之靡草。東風則草靡而西。西風則草靡而東。老杜云。雨聲已先風。散足盡西靡。萬物逐波流。金石終自止。說苑叢談云。水浮萬物。玉石留止。

渭因涇使濁。非以葑故毀。並見毛詩。智所無奈何。誰能爲樗里。史記樗里子傳。滑稽多智。號曰智囊。秦人諺曰。力則任鄙。智則樗里。

紛紛車馬客。如集市人博。彼雖有求來。我但快一噓。文選陳孔璋書。必大噓也。忽逢媚學子。退之詩。蹇蹇媚學子。牆屏日有徒。時亦撼關鑰。

何當攜手期。濬上得魚樂。見前注。

次韻張祕校喜雪三首

落月煙沙靜渺然。好風吹雪下平田。瓊瑤萬里酒增價。桂玉見前注一炊人少錢。學子已占秋食麥。廣文何

憾客無氈。

才名四十年。坐客寒無氈。此杜贈鄭廣文山谷以自況。

睡餘強起還詩債。臘裏春初未隔年。

巷深朋友稀來往。日晏兒童不掃除。雪裏正當梅臘盡。民饑可待麥秋無。

杜詩。梅榮臘前破。月令。孟夏麥秋至。

寒生短棹誰乘

輿。晉王徽之傳。嘗居夜雪初霽。月色清朗。忽憶戴逵。遂時在剡。便夜乘小船詣之。經宿方至。造門不前而反。人問其故。徽之曰。本乘興而來。興盡而反。何必見安道耶。

光入疎櫺我讀書。

宋齊語曰。孫康家貧。映雪讀書。文選。曹子建詩。流焱

激櫺軒注。

官冷無人供美酒。

杜詩。廣文先生官獨冷。

何時卻得步兵廚。

阮籍開步兵廚人善釀。求爲步兵校尉。

滿城樓觀玉闌干。小雪晴時不共寒。潤到竹根肥臘筍。

杜詩。密竹復冬筍。

暖開蔬甲助春盤。

杜詩。自鋤稀菜甲。

眼前多事觀游

少。觀游見前注。

胸次無憂酒量寬。聞說壓沙梨已動。會須鞭馬蹋泥看。

退之詩。走馬來看立不正。

次韻寅菴四首

寅菴山谷兄大臨元明也。其詩序云。雙井弊廬之東。得勝地。結茅菴居。命曰寅菴。喜成四詩。寄魯直。可同魏都士人共和之。可見山谷時在北京也。

四詩說盡菴前事。寄遠如開水墨圖。略有生涯如谷口。揚子法言云。谷口鄭子真耕。平巖石之下。而名震於京師。非無卜肆在成都。漢書蜀有嚴君平卜。

簞於成都市。旁籬榛栗供賓客。滿眼雲山奉燕居。禮記。仲尼燕居。閒與老農歌帝力。帝王世紀。帝堯之時。天下大和。老人擊壤於道。觀者歎曰。大哉帝之德也。老人曰。吾日出而作。

日入而息。鑿井而飲。耕田而食。帝何力於我哉。年豐村落罷追胥。周禮小司徒之職。乃會萬民之卒伍而用之。以比追胥。注。追逐寇也。胥伺捕盜賊也。又云。凡起徒役。毋過家一人。以其餘爲羨。惟田與追胥竭作。

兄作新菴接舊居。一原風物萃庭隅。陸機招隱方傳洛。陸機有招隱詩。張翰思歸正在吳。晉張翰。吳郡吳人。齊王閼辟爲東曹掾。見秋風起。思吳中菰菜。

蓴鱸魚。遂命駕而歸。五斗折腰慚僕妾。見陶潛傳。幾年合眼夢鄉閭。樂天詩。春來夢何處。合眼到東川。白雲行處應垂淚。唐狄仁傑授并州法曹參軍。親在河陽。仁傑登太行。

山反顧。白雲孤飛。謂左右曰。吾親舍其下。瞻恨久之。雲移乃去。黃犬歸時早寄書。見前注。

大若塘邊擲網魚。莊子。則陽篇。冬。則擲網於江。擲初角切。小桃源口帶經鋤。漢兒寬傳。帶經而鋤。詩催孺子成雞柵。老杜有催宗文樹鷄柵詩。茶約鄰翁掘芋

區。瓜。疇芋區。見蜀都賦。苦棟狂風寒徹骨。黃梅細雨潤如酥。棟風。梅雨。並見前注。退之詩。天街小雨潤如酥。此時睡到日三丈。南齊天文志。永明五年。日出三竿。盧全詩。日高丈五。

睡正濃。杜牧之詩。白頭扶不起。三丈日還高。自起開關招酒徒。史記。酈食其叱使者曰。走復入言沛公。吾高陽酒徒耳。

未怪窮山寂寞居。此情常與世情疎。誰家生計無閒地。大半歸來已白鬚。

老杜云。看雲莫
悵望。又云。時獨

看雲淚
橫

會思臨水寄雙魚。

見前注

公私通負田園薄。未至妨人作樂無。

見前注

以同心之言其臭如蘭爲韻寄李子先

往日三語掾。解道將無同。我觀李校書。超邁有古風。

晉阮瞻傳。見司徒王戎。戎問曰。聖人貴名教。老莊明自然。其
旨同異。瞻曰。將無同。戎咨嗟良久。卽命辟之人謂之三語掾。

談道

屢入微。

衛玠傳。勝曰。親友時請一言。莫不咨嗟。
以爲入微。又云。衛玠談道。平子絕倒。

閉門長蒿蓬。

蓬蒿繞宅
見前注

誰能賞遠韻。太守似安豐。

晉庾凱雅有遠韻。王
戎傳。進爵安豐侯。

流水鳴無意。白雲出無心。

歸去來辭。雲
無心以出岫。

水得平淡處。渺渺不厭深。雲行不能雨。還歸碧山岑。斯人似雲水。廊

廟等山林。

文選。曹子建詩。朝雲不歸山。霖雨成川澤。前漢贊
山林之士。往而不能反。朝廷之士。入而不能出。

俗士得失重。舍龜觀朵頤。

易。舍爾靈龜。
觀我朵頤。

六經成市道。黜僉以爲師。

史記。廉頗傳。客曰。天下以市道交。漢貨
殖傳。節。黜僉。漢書。吏道以法令爲師。

吾學淡如

水。載行欲安之。

莊子。君子之交淡如水。左傳。襄二十四年。子產寓書告范宣子曰。夫令名。德之輿也。恕思以明
德。則令名載而行之。揚子法言。或問孔子知其道之不用也。則載而惡乎之。曰。之後世君子。

惟有無心子。白

雲相與期。

摧藏褫冠冕。

文選扶風歌抱膝獨摧藏易訟卦或錫之鞶帶終朝三褫之後漢鄧禹贊視龍章於終朝左昭九年伯父裂冠毀冕

寂寞歸丘園。一瓢俱好學。伯仲吹簫壎。正以此

易彼。

韓文柳子厚墓誌以彼易此孰得孰失

高車擇朱門。得失固有在。難爲俗人言。

司馬遷書云悲夫事未易一二與俗人言也又云此可爲知者道難爲俗人言也

攜手力不足。七年坐乖離。

此詩乃元豐二年歲己未北京解官後作也在北京首尾跨七年選詩乖離卽長衢

愁思不能眠。起視夜何其。殘月掛破鏡。

古樂府云破鏡

飛上天謂月半也

寒星滿天垂。明明故人心。維斗終不移。

見前注

窮閭蒿蔓殖。富屋酒肉臭。

禮記富潤屋漢霍去病傳重車餘棄梁肉而士有饑色杜詩朱門酒肉臭路有凍死骨

酒肉令人肥。蒿蔓令人瘦。欲從鐘鼎食。

家語子路

曰親沒之後累茵而坐列鼎而食史記貨殖傳洗削薄技也而郵氏鼎食馬醫淺方張里擊鐘鮑照詩擊鐘陳鼎食方駕自相求

復恐憂患構。秦時千戶侯。寂寞種瓜後。

蕭何傳郡平者故秦東陵侯秦破爲

布衣貧種瓜長安城東瓜美故世稱東陵瓜

客從濟南來。

李子先及前篇李德叟皆在濟南山谷母黨也

遣我故人書。墨淡字疎行。

杜詩墨淡字欽傾

故人情有餘。上言猶健否。次問意何如。

只今意何有。思食故溪魚。古樂府詩云。客從遠方來。遺我雙鯉魚。呼兒烹鯉魚。中有尺素書。長跪讀素書。書中竟何如。上言加餐食。下言長相憶。

吾子有嘉德。譬如含薰蘭。清風不來過。歲晚蒿艾間。淵明飲酒詩云。幽蘭生前庭。含薰待清風。清風脫然至。見別蒿艾中。古來百夫雄。白首在澗槃。

詩。百夫之特。又考槃在澗。非關自取重。杜詩云。非關足無力。又云。非關故安排。直爲知人難。書。在知人。惟帝其難之。

見子瞻紫字韻詩和答三人四返不困而愈崛奇。輒次韻寄彭門三首。

據東坡集。乃熙寧七年冬。除夜病中。贈段屯田。時在密州。山谷和章。乃元

豐初。

公才如洪河。灌注天下半。文選吳都賦。礫礫乎數州之間。灌注乎天下之半。

風日未嘗攪。終上句洪河之義。莊子徐無鬼篇故曰。風之過河也。有損焉。日之過河也。有損焉。讀只風與日相與守河而河以爲

未始有晝夜聖所歎。見論語。

名世二十年。窮無歌舞玩。入宮又見妬。女無美惡。入宮見妬。見鄒陽傳。

徒友飛鳥散。莊子山水篇。孔子問於子桑雎曰。吾再逐

於魯。伐樹於宋。削迹於衛。窮於商周。圍於陳蔡之間。吾犯此數患。親交益疏。徒友益散。何歟。李陵傳。各鳥獸散。猶有得脫。

一飽事難諧。事不諧矣。見宋弘傳。五車書作伴。莊子。惠施多方。其書五車。

風雨暗樓臺。

雞鳴自昏旦。詩。風雨如晦。雞鳴不已。

雖非錦繡贈。欲報青玉案。文選。張平子四愁詩。美人贈我錦繡段。何以報之青玉案。文似離騷經。詩窺關雎亂。論語。師摯之始。

關雎之亂

賤生恨學晚曾未奉巾盟

內則盟卒授巾

昨蒙雙鯉魚

雙鯉事見前注東坡在彭門答山谷書見集中

遠託鄭人緩

莊子列禦寇篇鄭人緩也呻吟裘氏之地三年而緩爲儒

風義薄秋天

謝靈運傳論云高義薄雲天老杜云高義薄曾雲

神明還舊貫

法書要錄庾翼與羲之書云忽見足下答家兄書換若神明頓還舊貫

更磨薦禰墨

後漢孔融上疏薦禰衡

推挽

起疲懦忽忽未嗣音微陽歸候炭

漢天文志冬至短極縣土炭孟康曰先冬至三日縣土炭於衡兩端輕重適均冬至日陽氣至則炭重夏至日陰氣至則土重

仁風從東來拭目望

齋館鳥聲日日春柳色弄晴暖漫有酒盈樽何因見此粲

歸去來辭云攜幼入室有酒盈樽詩今夕何夕見此粲者

人生等尺捶豈耐日取半

莊子篇末云一尺之捶日取其半萬世不竭辯者如此與惠施相應終身無窮

誰能如秋蟲長夜向壁歎朝四與暮三適爲狙

公玩臭腐暫神奇

莊子知北篇臭腐復化爲神奇神奇復化爲臭腐

暗噫卽飄散我觀萬世中獨立無介伴小黠而大癡

退之送窮文曰子知我名凡我所爲

驅使令去

夜氣不及旦

見孟

低首甘象養尻脰登俎案

見前食鹽腸詩注

所以終日飲醉眠朱碧亂

醉眠當是醉眼玉臺新詠夜愁詩云誰知心眼

亂看朱忽成碧

無人明此心忍垢待濯盥仰看東飛雲只使衣帶緩

文選古詩相去日已遠衣帶日已緩

先生古人學百氏一以貫見義

勇必爲少作哀俗懦忠言願回天

唐張玄素傳魏徵歎曰張公論事有回天之力

不忍駁吞炭

豫讓吞炭

還從股肱郡

漢季布傳上曰河東吾股肱郡故特召君耳

詔圖書館

東壁二星。天子圖書之祕府也。東坡爲郡。仍直史館。

投壺得賜金

杜詩。能畫毛延壽。投壺郭舍人。西京雜記。郭舍人善投壺。每爲武帝投壺。輒賜金帛。

侏儒餘飽暖。寧令東方公。但

索長安粲

東方朔傳。上召問朔何恐侏儒爲。對曰。侏儒飽欲死。臣朔飢欲死。臣言可用。幸異其禮。不可用。罷之。無令但索長安米。惠帝紀曰。爲鬼薪白粲。注。取薪給宗廟。爲鬼薪。坐擇米。使正白。爲白粲。郭舍人及侏儒。以比當時附會而進者。東方朔比東坡。

元龍湖海士。毀譽略相半。下牀臥許君。上牀自永嘆。

魏志。呂布傳。陳登者。字元龍。卒後。許汜與劉備。並在荊州牧。劉表坐與表共論天下人。汜曰。陳元龍湖海之士。豪氣不除。備謂表曰。許君

論是非。表曰。欲言非。此君爲善士。不宜虛言。欲言是。元龍名重天下。備問汜君言豪。汜案此下注文闕。

丈夫屬有念。人物非所玩。坐令結歡客。化爲煙霧散。武功有大

略。亦復寡朋伴。詠歌思見之。長夜鳴曷旦。東南望彭門。官道平如案。簡書束縛人。一水不能亂。斯文媿桓

鬱。可用圭瓚盟。誠求活國醫。

案以下諸句注文闕。

何忍棄和緩。

晉侯求醫於秦。秦使醫和視之。文子曰。醫及國家乎。對曰。上醫醫國。其次醫人。

開疆日百里。

詩曰。關國百里。都內

錢朽貫。

史記。平準書云。京師之錢累巨萬。貫朽而不可校。

銘功甚俊偉。迺見儒生懦。且當置是事。勿使冰作炭。

熙寧五年。收復熙州。十年交趾納款。銘功當是此等事。鹽鐵論

冰炭不可以同器。淵明詩。孰若當世士。冰炭滿懷抱。退之聽穎師琴云。穎乎爾誠能無以冰炭實我腸。

上帝羣玉府。

穆天子傳。羣玉之山。先王之所謂策府。

道家蓬萊館。

後漢書。學者稱東觀爲曲老氏藏室。道家蓬萊。

肱夏簟寒。炙背冬屋暖。

嵇康絕交書。野人有快炙背而美芹子者。欲獻之至尊。

只令文字垂。萬世星斗粲。